



28. december 2010

Inatsisartut suleriaasiat § 37 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut

Imaatigut angalatilluni umiatsiamik minnerpaamik VHF aammalu GPS, annanniutillu “Anna” umiatsiami pingineqartarnissaat pillugit Naalakkersuisut qanoq isumaqarfigivaat?
(Inatsisartuni ilaasortaq Kristian Jeremiassen, Siumut)

Tungavilersuut

Imaatigut umiatsiaaqqamik angallannikkut isumannaattumik angalanissaq pingaaruteqartuusooq isumaqarpunga.

Sila imaaliallaannarluni nunami maani allanngorsinnaavoq, silangissinnarluni imaaliallan-
nerinnakkut silarluleriataarsinnaasarmat.

Nunatsinni angallaterpassuaqarpoq nuannaariartaatinik, angallatillu motorii ajunngittuaan-
nassasut naatsorsuutigineqarsinnaanngilaq qanoq ilinikkulluunniit angallatip motoria ajor-
tissinnaasarmat, taamaalillunilu ajutoornerup kinguneranik ilaanni pisariaqanngitsumik aningaa-
sarpassuillu atorlugit politiit ujaarlertariaqartarput uffa massa vhf tamatigut pigineqartuuppat
ajornartoormi nassaarinqarsinnaaneq piaarnerusumik pisinnaagaluartoq.

Aamma paaserusuppara inatsisitigut pisussaaffinngortinneqassanersoq GPS pigineqarnissaa Naa-
lakkersuisut qanoq isumaqarfigineraat, tammartillunimi aammalumi pujortillugu GPS iluaqutaa-
lluinnartuummat, taamaalilluni imaatigut isumannaatsumik angalanissami atussallugu tulluar-
tuulluni.

Annanniutillu “Anna” aamma inatsisitigut pisussaaffiullutik pigineqarnissaat Naalakkersuisut
qanoq isumaqarfigineraat paaserusuppara.

Apeqquteqaatiga ullut suliffiusut qulit qaangiutsinnagit akineqarnissaat piumasarivara.